



**Pingsköp
ASÍ-UNG**

1.0. Upphaf þings

- 1.1 Formaður ASÍ-UNG setur þing og stjórnar því þar til fundarstjóri hefur verið kosinn. Skal formaður ASÍ-UNG standa fyrir kosningu hans.
- 1.13. Aðgang að þingsal eiga þingfulltrúar, starfsmenn þingsins, sérstakir gestir þess og starfslíð þingsins.

2.0. Stjórn þingsins

- 2.1 Að lokinni setningu skal kjósa fundarstjóra og varafundarstjóra. Fyrst skal kjósa fundarstjóra sem gengst fyrir kosningu varafundarstjóra. Rétt kjörinn fundarstjóri þarf að hljóta meira en helming greiddra atkvæða, þeirra fulltrúa sem á fundi eru. Verði þeim atkvæðafjöldi eigi náð við fyrstu kosningu skal kosið að nýju um þau tvö sem flest atkvæði hlutu í fyrri umferð og ræður hlutkesti ef þau sem til greina koma hafa hlotið jafnmörg atkvæði við fyrri umferð. Verður það þeirra fundarstjóri sem fleiri atkvæði fær þá. Fáði bæði jafnmörg atkvæði ræður hlutkesti hvort verður fundarstjóri. Sömu reglu skal fylgt við kosningu varafundarstjóra. Minnst 5 þingfulltrúar geta skriflega krafist leynilegrar atkvæðagreiðslu við kosningu fundarstjóra.
- 2.2. Fundarstjóri stjórnar fundi og sér um að allt fari fram með góðri reglu, tekur við öllum erindum til þingsins og skýrir frá þeim og dreifir til þingfulltrúa.
- 2.3. Vilji fundarstjóri taka þátt í umræðum frekar en fundarstjórastaða krefur þá vikur hann sem fundarstjóri, en varafundarstjóri stýrir fundi á meðan.
- 2.4. Hlutverk ritara stjórnar ASÍ-UNG er að halda gerðarbók undir umsjón fundarstjóra og skal í henni getið allra mála, er rædd eru á fundum og úrslita þeirra. Ritari skráir atkvæði við atkvæðagreiðslur og kosningar.
- 2.5. Fundarstjóri skipar fólk til að annast dreifingu atkvæðaseðla. Fundarstjóri skipar teljara úr hópi þingfulltrúa og/eða starfsmanna svo sem þykir þurfa á hverjum tíma.

3.0. Nefndir og vinnuhópar

- 3.1. Stjórn ASÍ-UNG undirbýr dagskrá þingsins sem byggð skal á þeim málum sem lögð eru fyrir þing skv. 8. og 18. gr. samþykktu ASÍ-UNG og gerir tillögur um þá vinnuhópa sem starfa á þinginu. Jafnframt skal hún gera tillögu um hver skuli stjórna störfum hvers vinnuhóps og um ritara. Þingfulltrúar skrá sig til starfa í einstökum vinnuhópum og fara með atkvæðisrétt í störfum þeirra.
- 3.2. Á þingi ASÍ-UNG skal kjósa kjörnefnd skipaða 3 fulltrúum, sem starfi milli þinga og þar til kosningu er lokið. Kjörnefnd skal leggja fram tillögur um uppstillingu til þeirra starfa sem þing kys til nema annað sé tekið fram í þingsköpum þessum.
- 3.3. Þingið stofnar vinnuhópa á hvaða stigi máls sem er, gefist tilefni til. Sé það gert áður en umræðum er lokið, skal umræðum frestað.
- 3.4. Vinnuhópar skila skriflegu álitinu sínu til þingsins og skal því dreift til þingfulltrúa.

Sé ekki eining um niðurstöðu vinnuhóps geta þau sem að séráliti standa skipað sér frummælanda sem hefur sama rétt og frummælandi meirihluta við umræður á fundum, enda sé séráliti skilað skriflega og það stutt skriflega af ekki færri en 2 þingfulltrúum.

4.0. Umræður

- 4.1. Hver þingfulltrúi sem taka vill til máls skal óska heimildar fundarstjóra samkvæmt þeim reglum sem fundarstjóri ákveður.
Ef tveir eða fleiri þingfulltrúar kveða sér hljóðs samtímis ákveður fundarstjóri í hvaða röð þeir tala.
- 4.2. Þingfulltrúi skal ávallt mæla úr ræðustól og jafnan víkja ræðu sinni til fundarstjóra og fundarins.
- 4.3. Formaður má taka til máls eins oft í umræðum og hann óskar. Frummælendur meiri- eða minnihluta vinnuhóps mega taka til máls þrisvar sinnum um málefni það er þeir flytja, að hámarki 5 mín. í senn.
Aðrir þingfulltrúar mega ekki tala oftar en tvisvar við sömu umræðu um sama mál og í 5 mínútur í senn.
Þó er jafnan heimilt að gera stutta athugasemd um atkvæðagreiðslu, fundarstjórn eða þingsköp.
Tillöguflytjanda er heimilt að taka til máls í lok umræðu um viðkomandi tillögu, þó ekki lengur en í 5 mínútur. Regla þessi gildir um einn einstakling úr hópi tillöguflytjenda séu tillöguflytjendur fleiri en einn.
- 4.4. Ef fundarstjóri telur umræðu dragast úr hófi fram getur hann lagt til að ræðutími frummælanda meiri- eða minnihluta nefndar verði eigi lengri en 3 mínútur.
Þá getur fundarstjóri hvenær sem er lagt til að umræðum skuli lokið á ákveðnum tíma.
Þingið afgreiðir tillögur fundarstjóra í þessu efni umræðulaust.
Þingfulltrúar geta borið fram slíka tillögu enda sé hún skriflega studd með undirritun ekki færri en 5 þingfulltrúa. Skal tillagan afgreidd umræðulaust.
- 4.5. Skyld er þingfulltrúum að lúta valdi fundarstjóra í hvívetna er að því lýtur að gætt sé góðrar reglu. Láti þingfulltrúar sem vikið hafa frá góðri reglu eigi segjast skal fundarstjóri víta þá og nefna til ástæður. Ef þingfulltrúi er víttur tvisvar á sama fundi getur fundarstjóri lagt til við fundinn að hann verði sviptur málfrelsi það sem eftir lifir fundar. Skal sú tillaga afgreidd umræðulaust.

5.0. Tillögur, lagabreytingar og atkvæðagreiðsla

- 5.1. Engar tillögur um mál er hægt að bera upp til atkvæða nema þeim hafi verið dreift skriflega til þingfulltrúa. Í öllum málum samkvæmt kafla þessum ræður meirihluti atkvæða, skv. 9. gr. samþykka ASÍ-UNG, nema samþykktir ASÍ-UNG eða þingsköp þessi mæli fyrir á annan veg.
- 5.2. Um þau mál sem berast skv. 8. gr. samþykka ASÍ-UNG skulu fara fram tvær umræður. Við fyrri umræðu skal gera grein fyrir tillögum og leggja fram og gera grein fyrir tillögum til breytinga á þeim ef einhverjar eru. Að svo búnu skal öllum tillögum vísað til viðeigandi vinnuhóps.
- 5.3. Drög að ályktun eða tillaga sem vinnuhópur sendir frá sér til síðari umræðu telst ekki breytingartillaga heldur aðaltillaga og samhlíða teljast allar tillögur úr fyrri umræðu niður fallnar.
Við síðari umræðu er þingfulltrúum heimilt í samræmi við gr. 5.5. að flytja breytingatillögur við drög að ályktun eða tillögu vinnuhóps.
Við síðari umræðu skal fundarstjóri bera tillögur upp í þeirri röð sem hann ákveður.

Séu fleiri en ein tillaga í sama máli skal þó fyrst bera upp þá tillögu sem lengst gengur.

- 5.4. Undir liðnum önnur mál er þingfulltrúum heimilt að taka upp hvert það mál sem þeir óska eftir umræðu um, önnur en þau sem þegar hafa hlotið afgreiðslu þingsins. Ekki er þeim þó undir þessum lið heimilt að bera fram tillögur til ályktunar um annað en að fela stjórn ASÍ-UNG að vinna að tilteknum verkefnum eða málefnum milli þinga.
- 5.5. Allar tillögur sem bornar eru fram skulu vera skriflegar, undirritaðar af tillöguflytjendum og skriflega studdar af ekki færri en 5 þingfulltrúum að tillöguflytjendum meðtöldum.
- Ekki er heimilt að taka tillögu til umræðu fyrr en fundarstjóri hefur lýst henni. Komi upp ágreiningur um í hvaða vinnuhóp ákveðin tillaga skuli rædd skal fundarstjóri leysa úr þeim ágreiningi með úrskurði.
- 5.8. Efnislegar tillögur eru þessar:
- 1) Aðaltillaga
 - 2) Breytingartillaga
 - 3) Viðaukatillaga
- 5.9. Við atkvæðagreiðslu skal fyrst bera upp breytingartillögu við aðaltillögu. Síðan skal bera upp aðaltillögu með áorðnum breytingum hafi breytingartillögur verið samþykktar. Að öðrum kosti er aðaltillaga borin upp í upphaflegri mynd. Þá skal bera upp viðaukatillögur.
- 5.10. Þær breytingartillögur sem lengra ganga skal bera upp á undan þeim sem ganga skemur. Breytingartillögu sem kollvarpar eða breytir aðaltilgangi annarrar tillögu eða sem varðar önnur efnisatriði en tillaga hefur verið gerð um breytingu á, má fundarstjóri ekki taka til greina en því álitinu sínu skal fundarstjóri lýsa fyrir fundi. Til að breytingartillaga nái fram að ganga þarf hún að hljóta sama fjölda atkvæða eins og aðaltillagan þarf til þess að teljast samþykkt.
- 5.11. Forgangstillögur eru í þessari röð:
- 1) Tillaga um að ganga þegar til atkvæða, sbr. þó grein 4.5.
 - 2) Tillaga um að vísa máli frá.
 - 3) Tillaga um að taka fyrir næsta mál á dagskrá.
 - 4) Tillaga um að fresta máli.
 - 5) Tillaga um að vísa máli til annars valds.
- Tillögur undir 1. tl. má ekki ræða.
Um tillögur undir 2., 3. og 4. tl. má gera stuttar athugasemdir.
Um tillögur undir 5. tl. má gera stuttar athugasemdir en um málið sjálft gilda sömu reglur og um önnur efnisleg mál sem koma fyrir þingið.
- 5.12. Fundarstjóra er heimilt að bera tillögu upp í tveimur eða fleiri liðum en þó því aðeins að hver liður sé sjálfstæður og að skiptingin geri tillöguna ekki óljósa.
- 5.13. Tillögu, sem hefur verið felld, má ekki bera upp á sama fundi. Með samþykki minnst 2/3 hluta atkvæða þingfulltrúa má þó taka málið upp á ný síðar á þinginu enda séu 3/4 hlutar þingfulltrúa, þeirra sem eigi hafa boðað forföll til fundarstjóra, viðstaddir á fundi þegar slík tillaga er til afgreiðslu.
- 5.15. Atkvæðagreiðsla um tillögur fer fram með handauppréttingu. Leynileg atkvæðagreiðsla fer fram ef þess er óskað skriflega og tillagan skriflega studd af minnst 5 þingfulltrúum eða ef stjórn ASÍ-UNG óskar þess. Stjórn ASÍ-UNG eða minnst 5 fulltrúar geta krafist atkvæðagreiðslu þar sem regla, sbr. 4. og 5. mgr. 9. gr. samþykktu ASÍ-UNG, gildir til að tillaga teljist samþykkt.

Atkvæðagreiðslur við nafnakall leyfast ekki.

Heimilt er að viðhafa atkvæðagreiðslur með rafrænum hætti. Atkvæðaseðlar eru þá vistaðir á tölvu og atkvæði greidd með þar til gerðum búnaði. Meginreglur þingskapa þessara gilda um atkvæðagreiðsluna eftir því sem við á.

- 5.16. Engar atkvæðagreiðslur geta farið fram um tillögur nema á fundi sé staddur minnst helmingur þingfulltrúa sem ekki hafa boðað forföll sín til fundarstjóra. Þrátt fyrir ákvæði 1. mgr. er atkvæðagreiðslan lögmæt með þeim þingfulltrúum sem mættir eru til fundar, hafi fundarstjóri tiltekið og tilkynnt sérstakan tíma fyrir viðkomandi atkvæðagreiðslu með að a.m.k. 30 mínútna fyrirvara.
- 5.17. Fundarstjóri skipar teljara til talningar atkvæða úr hópi þingfulltrúa og/eða starfsmanna, svo marga sem henta þykir. Jafnan skulu teljarar úr hópi þingfulltrúa, allt eftir því sem við á, vera skipaðir úr hópum andstæðra fylkinga á fundum.
- 5.18. Breyting á samþykktum ASÍ-UNG telst ekki samþykkt nema hún hljóti 2/3 atkvæða á fundi.

6.0. Kosningar

- 6.1. Kosningar í trúnaðarstöður skulu vera leynilegar á þingum ASÍ-UNG. Heimilt er að viðhafa kosningar með rafrænum hætti. Kjörseðlar eru þá vistaðir á tölvu og atkvæði greidd með þar til gerðum búnaði. Meginreglur þingskapa þessara gilda um rafrænar kosningar eftir því sem við á.
- 6.2. Í öllum málum ræður meirihluti skv. 1. mgr. 9. gr. samþykta ASÍ-UNG nema kallað sé eftir atkvæðagreiðslu skv. 2. – 4. mgr. 9. gr. samþykta ASÍ-UNG.
- 6.3. Komi ekki fram tillögur um fleiri en kjósa skal, skulu þau sjálfkjörin.
- 6.4. Þegar meirihluta greiddra atkvæða er krafist vegna kosninga í trúnaðarstöður og það atkvæðamagn fæst ekki í fyrstu umferð, skal kosið að nýju um þau sem ekki náðu kosningu. Verði kosningu þá heldur ekki lokið, skal kjósa um þau sem flest atkvæði fengu en ekki náðu kosningu í annarri umferð, þannig að tvö séu í kjöri um hvert sæti. Ef tvö eða fleiri fá jafnmörg atkvæði, ræður hlutkesti úrslitum.
- 6.5. Atkvæðaseðill er ógildur, ef á honum eru nöfn einstaklinga, sem ekki eru í kjöri, eða ef ekki eru greidd atkvæði jafnmörgum og kjósa á. Auður seðill telst ekki til greiddra atkvæða en gefa skal upp fjölda auðra seðla og ógildra þegar kosningu er lýst. Sé viðhöfð rafræn atkvæðagreiðsla er heimilt að gera ráð fyrir því að viðeigandi tölvubúnaður sé þannig úr garði gerður að ekki sé hægt að gera kjörseðil ógildan.
- 6.6. Við atkvæðagreiðslu fer hver þingfulltrúi með atkv. skv. 9. gr. samþykta ASÍ-UNG.
- 6.7. Fundarstjóri skal gera þingfulltrúum viðvart með tilkynningu áður en kosningar hefjast. Eftir hæfilegan umþóttunartíma, tilkynnir fundarstjóri að dreifing atkvæðaseðla hefjist og um leið ber starfsmönnum að sjá til þess að enginn gangi út eða inn í fundarsalinn þar til fundarstjóri hefur lýst yfir að kosningu sé lokið, atkvæðaseðlum safnað saman og athugasemdir ekki komið fram um það. Fari kosningar eða atkvæðagreiðslur fram með rafrænum hætti skal fundarstjóri með sama hætti tilkynna að nú muni kosningar hefjast og gefa upp þann tíma sem áætlað er að kosning muni taka. Að svo búnu skal aðgangur að rafrænum kosningabúnaði opnaður og kosningar hefjast. Kosning skal að minnsta kosti standa jafnlengi og fundarstjóri hefur áætlað. 10 mínútum áður en kosningu lýkur samkvæmt ákvörðun fundarstjóra skal tilkynna fundinum þá ákvörðun. Að liðnum þeim fresti skal aðgangi að rafrænum kosningabúnaði lokað og lýsir þá fundarstjóri að kosningu sé lokið.

- 6.8. Um leið og talningu atkvæðaseðla við hverja atkvæðagreiðslu er lokið og niðurstaða talningar færð á skýrslu til fundarstjóra sem allir talningamenn hafa staðfest sem rétta, skulu atkvæðaseðlar innsiglaðir í traustan kassa eða varðveittir í lokuðum gagnagrunni hafi kosning verið rafræn og geymast þar til fundarstjóri hefur tilkynnt þingfulltrúum úrslit. Komi ekki fram skrifleg krafa minnst 5 þingfulltrúa um endurtalningu atkvæða þegar eftir tilkynningu fundarstjóra, verður krafa um endurtalningu ekki tekin til greina. Fyrir lok þingsins skulu atkvæðaseðlar eyðilagðir eða tölvugögnum eytt undir umsjón fundarstjóra.
- 6.9. Kjörgengir í trúnaðarstöður ASÍ-UNG eru allir fullgildir félagar í aðildarsamtökum ASÍ á aldrinum 18-35 ára. Við aldur skal miðað við fæðingarár. Tilnefningar skulu vera skriflegar og studdar með undirritun a.m.k. 5 þingfulltrúa. Skriflegar stuðningsyfirlýsingar þurfa þó ekki að fylgja tillögum kjörnefndar. Sé stungið upp á fólki í trúnaðarstöður sem eigi situr fundinn, verða slíkar tilnefningar eigi teknar til greina nema fyrir liggi staðfest yfirlýsing um að viðkomandi taki kjöri.

7.0. Afgreiðsla og breyting þingþingskapa

- 7.1. Meirihluti greiddra atkvæða, skv. 9. gr. samþykktu ASÍ-UNG ræður um afgreiðslu þingskapa.
- 7.2. Komi fram tillögur um fundarstjórn eða meðferð mála sem þessi þingsköp ná ekki til, þá ræður einfaldur meirihluti enda sé fundur löglegur.